



Inatsisartunut ilaasortaq  
Iddimanggiu Bianco, Inuit Ataqtigiit

**Tasiilami efterskolissap pilersinneqarnissaa pillugu § 37 naapertorlugu  
apeqqummut nr. 033-mut akissut**

26-02-2015  
Sags nr. 2015-111598  
Dok. nr. 1867318

Asasara Iddimanggiu Bianco

Tasiilami efterskolissap pilersinneqarnissaa pillugu apeqqutinnut Naalakkersuisut  
qujapput.

Postboks 1029  
3900 Nuuk  
Oqarasuaat (+299) 34 50  
00  
Allak.: +299 32 20 73  
Email: iiknn@nanoq.gl  
www.nanoq.gl

**Apeqqut:** Tasiilami efterskolessamut allisitamut Naalakkersuisut suliniuteqarlutik  
aallartisarniarpat?

**Akissut:** Tasiilami efterskolissap pilersinneqarnissaa pilersitsinermi  
aningaasartuutissaannarnut nunatta karsia minnerpaamik 100 mio. koruuninik  
aningaasartuuteqassasoq missingerneqarpoq. Nunap aningaasaqarnikkut maannakkut  
inissisimanera eqqarsaatigalugu Naalakkersuisut toqqarpaat Tasiilami efterskolissap  
pilersinneqarnissaa 2015-imut AIS-imi ilanngunneqassanngitsoq.

Naalakkersuisulli ilisimavaat soqutigisaqaqatigiinnik namminersortunik nunatsinni  
timersornermut efterskolimik pilersitsisinnaanermik misissuisoqartoq. Naalakkersuisut  
taamatut anguniagaqartut tikilluaqqaat, neriuutigalugulu inuusuttut siunissami  
efterskoleqarnikkut qinigassaqaarsinnaanerat taakku annertusaaqataaffigissagaat.

Inussiarnersumik inuulluaqqusillunga

Nivi Olsen